

### III CONCURSO "NADAL E BALONCESTO"

A **Federación Galega de Baloncesto** convoca, en colaboración co seu principal patrocinador **"la Caixa"**, o III CERTAME "O NADAL E O BALONCESTO"

A terceira edición deste concurso ten, de novo, o obxectivo de decidir o deseño da Postal de Nadal que a Federación Galega de Baloncesto enviará durante esas datas festivas para felicitar a todos os clubs galegos.

Para participar é preciso enviar unha obra e deseño persoal que reúna os requisitos que a continuación se estipulan:

Poderán presentar os seus deseños e traballos todos aqueles xogadores e xogadoras federados, que pertencen ás categorías dende **Premiñibasket** ata **Cadete**, e que desexen expresar as súas inquedanzas cara a pintura e o deseño co **Baloncesto e o Nadal** como motivos.

As persoas que desexen participar deste proceso poderán enviar á Federación Galega de Baloncesto a súa creación. Esta poderá estar realizada a man ou mesmo a través de ordenador, en Branco e Negro ou a Cor. O tamaño máximo do traballo será o de **DIN A4**, podendo presentarse en menor tamaño se así se desexa. O material do mesmo poderá ser todo aquel tipo de papel que se axuste ás condicións indicadas.

Os traballos presentados terán que entregarse nun sobre pechado no que se introduza a obra a concurso e no que se especifique o título da mesma e os datos persoais e propios do participante (DNI, nome completo, idade, dirección e club ao que pertence).

O sobre anteriormente citado deberá presentarse en persoa na Delegación FGB Zonal correspondente a cada participante, ou ben, a través do correo, na sede central da FGB ( Estadio Multiusos de San Lázaro, Porta 14. C.P.15707. Santiago de Compostela. A Coruña)

A data límite para facer efectiva esta entrega será a do día **12 de decembro de 2012.**

## PREMIOS

A Federación Galega de Baloncesto galardará ao vencedor **cun premio de material deportivo valorado en 100 euros, así como cun televisor SAMSUNG 19" CLASS. 450 Series. LCD HDTV**, cortesía de "la Caixa".

O segundo clasificado recibirá un **premio económico**, nas mesmas condicións, **por valor de 60 euros** e un **exemplar do libro "50 anos de Baloncesto en Galicia"**.

A concesión dos premios farase baixo a responsabilidade dun xurado composto polo Presidente da FGB, o Vicepresidente da FGB, e o responsable do departamento de comunicación.

A publicación dos galardóns farase efectiva o día **17 de decembro de 2012** a través da páxina web da Federación Galega de Baloncesto e, por suposto, a través do contacto directo co autor da obra.

A concesión de premios aos debuxos participantes implicará a cesión do uso do deseño dos mesmos á Federación Galega de Baloncesto.

A Federación Galega de Baloncesto resérvase o dereito de declarar deserto o resultado do concurso, así como o seu premio, se a calidade dos traballos recibidos non se axusta a un criterio lóxico mínimo.